

Headline **FreataFair catat rekod**
Date **15 Aug 2011**
MediaTitle **Kosmo**
Section **Bisnes**
Journalist **N/A**
Frequency **Daily**
Circ / Read **115,967 / 406,000**

Language **Malay**
Page No **51**
Article Size **188 cm²**
Color **Full Color**
ADValue **1,635**
PRValue **4,905**



TreatsFair catat rekod

KUALA LUMPUR - Jumlah penebusan mata ganjaran TreatsPoints oleh para pemegang kad Maybank pada ekspo Maybank TreatsFair 2011 mencecah kepada 1.05 bilion mata berbanding 98,000 mata pada penganjuran yang sama tahun sebelumnya.

Naib Presiden Eksekutif dan Ketua Bahagian Kad, Kekayaan dan Pembayaran Maybank, B. Ravintharan berkata, penganjuran kali ini menyaksikan peningkatan lebih 30 peratus dalam jumlah penebusan mata ganjaran dan kenaikan 25 peratus dalam jumlah pengunjung kepada 213,000 orang.

Lebih menarik lagi, nilai jualan keseluruhan juga bertambah sebanyak 32 peratus kepada RM11.5 juta.

TreatsFair 2011 kali ke tujuh telah diadakan di Pusat Pameran dan Konvensyen Mid Valley City di sini semalam empat hari bermula 21 Julai lalu.

"Pencapaian ini telah mencatatkan satu rekod tersendiri," katanya dalam satu kenyataan di sini baru-baru ini.

Ravintharan menjelaskan, sebanyak 1,500 kad baru dan 1,502 penukaran kad Visa Debit telah diterima sepanjang acara empat hari itu.

"Kami berterima kasih kepada para pelanggan kad Maybank terhadap sokongan yang diberikan dan tanpanya kami tidak mungkin dapat memberikan yang terbaik," ujar beliau.

Selain itu, acara lelongan kebajikan yang dianjurkan sempena ekspo tersebut telah berjaya mengumpulkan RM46,845 yang disalurkan kepada Yayasan AIDS Malaysia.

Selain pelbagai aktiviti menarik yang diadakan, Maybank TreatsFair 2011 turut dijayakan bersama 100 rakan saudagar Maybank yang memenuhi sejumlah 268 ruang perniagaan yang disediakan.

Sepanjang acara itu, para pelanggan telah diberi peluang untuk menebus mata ganjaran TreatsPoints masing-masing untuk membayar saman trafik, membeli tiket penerbangan di samping menggunakan kad kredit dan debit untuk membuat pembayaran kepada Dewan Bandaraya Kuala Lumpur dan menderma kepada Gagasan Pemuliharaan Harimau Malaysia.



ORANG ramai tidak melepaskan peluang mengunjungi ekspo tahunan Maybank TreatsFair untuk membeli-belah dengan hanya menebus mata ganjaran masing-masing pada harga menarik.

